



Informacione për vaksinimin kundër “Covid-19”

Më të rëndësishmet shkurtimisht

- Për grupet e mëposhtëm të personave këshillohet vaksinimi kundër “Covid-19” në vjeshtë/dimër:
 - Personat nga mosha 65 vjeç
 - Personat nga mosha 16 vjeç me një sëmundje kronike
 - Personat nga mosha 16 vjeç me trisomi 21
 - Shtatzëna.
- Këto grupe personash mund të përmirësojnë me vaksinimin mbrojtjen e tyre ndaj ecurive të rënda të sëmundjes për disa muaj.

Pothuajse të gjithë personat kanë rënë tanimë në kontakt me virusin korona dhe sistemi i tyre i imunitetit është përballur përkatësisht me virusin. Variantet aktuale të virusit shkaktojnë ndaj personave pa faktorë rreziku më tepër ecuri më të buta sëmundjeje. Njëpërmjet rritjes së kontakteve në hapësirat e brendshme virusi korona mund të qarkullojë më shumë dhe probabiliteti i një sëmurjeje me “Covid-19” mund të rritet

Kujt i këshillohet një vaksinim në vjeshtë/dimër?

Personave nga mosha 16 vjeç me një rrezikshmëri më të lartë për një ecuri të rëndë të “Covid-19” ju këshillohet vaksinimi kundër “Covid-19” në vjeshtë/dimër. Tek këta persona ulet gjithashtu më së pari mbrojtja e imunitetit. Vaksinimi përmirëson për disa muaj mbrojtjen nga sëmundja e rëndë dhe komplikimet e saj.

Cilët persona vlejné si të rrezikuar në mënyrë të veçantë?

- a) Personat nga mosha 65 vjeç
- b) Personat nga mosha 16 vjeç me forma të caktuara të sëmundjeve kronike të mëposhtme:
 - Hipertension/presion i lartë i gjakut
 - Sëmundje të sistemit kardiovaskular
 - Diabet
 - Sëmundje të mushkërisë dhe të rrugëve të frymëmarrjes
 - Kancer
 - Sëmundje dhe terapi, të cilat dobësojnë sistemin e imunitetit
 - Obeziteti (IMT \geq 35 kg/m²)
 - Insuficienca e veshkave
 - Cirroza e mëlçisë
- c) Persona nga mosha 16 vjeç me trisomi 21

Çfarë vlen për shtatzënat?

Vaksinimi këshillohet për shtatzëna me qëllim që të mbrohen nëna e ardhshme dhe fëmija i palindur nga një rrezikshmëri pak më e rritur e një ecurie të rëndë të “Covid-19” dhe komplikimeve të shtatzënisë. Vaksinimi rekomandohet veçanërisht për shtatzëna me sëmundje të mëparshme.

Çfarë vlen për grupet e tjera të popullsisë?

Për personat nën moshën 65 vjeç pa faktorë rrezikshmërie nuk rekomandohet për në vjeshtë/dimër një vaksinim kundër “Covid-19”. Për ata vaksinimi sjell një mbrojtje të ulët dhe afatshkurtër kundër infeksioneve me sëmundje të lehta.

Po ashtu nuk ju rekomandohet një vaksinim as personave të kualifikuar shëndetësorë dhe personave të përkujdesjes.

Megjithatë, ju mund të vaksinoheni, nëse ju, pas një peshimi dhe vendimi individual, dëshironi të zvogëloni rrezikun e një infeksioni me një sëmundje të lehtë.

Informacione për vaksinimin

Momenti i vaksinimit:

Momenti ideal për vaksinimin kundër “Covid-19” qëndron ndërmjet mesit të tetorit dhe mesit të dhjetorit. Ai mund të kryhet nga 6 muaj pas vaksinimit të fundit ose nga 6 muaj pas një infeksioni të njohur me virusin korona.

Një vaksinim kundër gripit mund të kryhet njëkohësisht me, para ose pas një vaksinimi kundër “Covid-19”. Lini të këshilloheni nga mjekja ose mjeku juaj respektivisht nga farmacistja ose farmacisti juaj. Lëndë vaksinimi: Lini që të vaksinoheni me një lëndë mRNA vaksinimi të përshtatur me variantin aktual të virusit. Lidhur me këtë nuk luan asnjë rol, me cilat lëndë të vaksinave janë bërë vaksinimet e deritanishme.

Alergji: Nëse ju keni alergji të vërtetuara ndaj komponentëve të lëndës së vaksinimit, lini të këshilloheni nga një alergolog ose një alergolog.



Efektet anësore:

Në rast të çdo vaksinimi mund të ketë efekte anësore. Në shumicën e rasteve ato janë të dobëta deri të zbutura dhe kalojnë shpejt.

Në efektet më të shpeshta anësore bëjnë pjesë reaksione në vendin e injektimit si dhimbje, skuqje dhe ënjtje si dhe dhimbje koke dhe lodhje. Përveç kësaj mund të shfaqet dhimbje muskujsh dhe gjymtyrësh dhe simptoma të përgjithshme si të dridhura, ndjesi të temperaturës ose temperaturë.

Shumë rrallë ka efekte anësore serioze. Kështu për shembull tek persona të veçantë mund të ndodhë një reaksion alergjik i rëndë menjëherë pas vaksinimit. Ai shfaqet nëpërmjet një ënjtje të rëndë, skuqje, me kruajtje ose vështirësi frymëmarrjeje. Në raste shumë të rralla u vunë re brenda 14 ditëve pas vaksinimit infeksione të muskulit të zemrës ose perikardit që zakonisht ishin të lehta dhe mund të trajtoheshin mirë. Simptoma tipike të një infeksioni të muskulit të zemrës janë dhimbje gjoksi, vështirësi në frymëmarrje dhe aritmi e fortë, në pjesën më të madhe të kohës brenda 2 javësh pas vaksinimit.

Mund të shfaqen efekte të tjera anësore. Simptomat mund të jenë me kohëzgjatje të ndryshme. Ju lutemi, ia raportoni simptomat serioze ose të papritura pas vaksinimit kundër "Covid-19" një mjekesje, një mjeku, një farmacistesje, një farmacisti ose vendit të vaksinimit.

Probleme shëndetësore mund të shfaqen në çdo kohë, ndonjëherë edhe direkt pas një vaksinimi. Kjo nuk do të thotë se ato duhet të jenë një pasojë e vaksinimit.

Kostot:

Një vaksinim i rekomanduar merret përsipër nga sigurimi i detyrueshëm shëndetësor.

Personat pa rekomandim vaksinimi mund të vaksinohen gjithashtu pas peshimit dhe vendimit individual dhe të paguajnë vetë vaksinimin.

Si mund të mbrohet secili si shtesë?

Ju mund të zvogëloni rrezikun e infektimit me virusin korona duke marrë masa të tjera, p.sh., duke mbajtur një maskë në ambiente të mbyllura.

Orientohuni për këtë në [faqen e internetit «Kështu mbrohem ne»](#)..

Informacione të mëtejshme

→ www.bag.admin.ch/impfen-covid19

→ www.bag.admin.ch/so-schuetzen-wir-uns

→ www.schutzvordergrippe.ch

→ Linja e informimit për vaksinimin: 0844 448 448